



DEO OPTIMO, MAX.

UNI ET TRINO.

VIRGINI DEIPARÆ, ET S. LUCÆ,  
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS  
manè discutienda, in Scholis Medicorum, die Sabbati,  
quintâ Aprilis, 1727.

M. PETRO-JOANNE BURETTE,  
Professore Regio, & è Regiâ Numismatum Academiâ,  
Doctore Medico, Præside.

*An gravidis aquæ potus?*

I.



Æ sunt Medici leges officii, ut non tantum  
amissam restituat sanitatem, verum etiam  
præsentem conservet. Sanitatis integritatem  
efficit fluidorum cum solidis æquilibrium, sive,  
quod idem est, sphaeræ sanguinis ipsiusque mo-  
tus, cum diametro ac renitentia vasorum, justa  
& adæquata proportio. Quæ si detur, purpurei laticis circuitus  
indefinenter & facillè perficitur: unde functionum omnium

A

proindeque sanitatis integritas. Hujus conservatio à recto & legitimo sex rerum non naturalium usu procedit. Sic aër, quo illasus homo diu carere nequit, eò est salubrior, quò purior temperatioque. Nocet è contrariò, si minùs purus & temperatus sit, aut debito elatere destituatur, imò maximè nocet sæpissimèque mortem procreat, si venenatis miasmatis inficiatur. Moderata corporis exercitatio firmiorem reddit sanitatem: immoderata debilitat. Diurnis laboribus defatigata corpora blandâ quiete levantur; desidiori virâ torpescit sanguis, crassescunt humores, obstructions generantur in partibus, secretiones impediuntur, vigiliis immodicis dissipantur spiritus, exsiccantur solida, fluidaque corporis. A somno diutiùs protracto obruuntur vires, sicut à moderato & consueto reparantur. Jucundis animi pathematis mens fit hilarior, blanda fovetur sanguinis fermentatio, hinc uberius fecernuntur spiritus. expeditiusque ad totius corporis partes fluunt. Mæore & tristitiâ ex adverso imminuitur fermentatio, spiritus in cerebro retinentur. Per varias secretiones & excretiones, continuò depauperatus sanguis quotidie cibo & potu reficitur Uterque eò salubrior, quò simplicior. Uti cibus multiplex, ita quoque in usu familiari diversæ usurpantur portiones, ex quibus eam salubriorem dixeris, quam puriorem, particulisque heterogeneis minùs onustam ac sanitati magis idoneam experientiâ comprobaveris. Hanc prægnantibus præscribere ne immoreris. Innumeris quippe, per totum graviditatis curriculum, afficiuntur incommodis, quæ sin minùs omnino purioris & simplicioris hujusce liquoris haustu leveris, mitiora saltem reddes.

## I I.

**Q**UÆ utero gerentibus superveniunt symptomata, ab ipsâ conceptione ut plurimùm invadunt. Horrores enim & rigores statim persentiunt; tristes & ad motum tardiores deprehenduntur; variis exinde affliguntur incommodis; inter quæ ut plurimùm primas tenet menstrui sanguinis fluxûs suppressio, mox anxietates, frequens animi deliquium, cordis palpitatio & subsultus, cardialgia, nausæ, vomitusque suboriuntur; insurgit cibi fastidium, anorexia, pica, malacia, absurdorumque appetitus, ita vehemens, ut si prægnantibus quæ adeò expetunt, non illicò concesseris, violento quo-

dam œstro percitæ, statim incidant in syncopen, aliaque tam metuenda symptomata, ut præternaturali fibrarum totius corporis succussione excutiat tandem fœtus; sin autem, horrendis visu ac turpissimis maculis fœdata proles edatur. Tanta est læsæ & perturbatæ matris imaginationis vis: Accedunt insuper tussiles molestæ, vertigines, dolores in præcordiis, in stomacho, in inguinibus, & lumbis. Tenduntur ac indurantur mammx, quarum papillæ lancinantibus divexantur doloribus. His primis graviditatis incommodis succedunt alia in decursu, qualia sunt dysuria, stranguria, lotii quandoque suppressio, alvi adstrictio, tenesmus, hæmorrhoides, pedum tibiarumque inflatio, ac proinde progressio difficilior. Hæc simul omnia interdum patiuntur gravidæ, quæ sedare si tibi sit animus, cùm ubique & nimia vasorum inertia, sanguinis crassities ac lentor, fermentorumque summa rigiditas & acuties arguatur, ad aquæ potum confugas; ab ea enim laxantur firma nimis vasa, exsiccataque flexibilia redduntur, fermentorum rigiditas & acuties obrunditur, sanguini fluiditas conciliatur, atque hujusdem progressivus augetur motus.

### III.

**E**X diversis hucusque enumeratis accidentibus, alia, ut jam diximus, cum ipsa conceptione ingruunt, eamque sæpissimè indicant. Aliis mediis tantùm graviditatis mensibus subortis, penitus confirmatur. Hæc ultjma incremento fœtus, mole & pondere vicinas, quibus adjacet uterus, partes & vasa comprimendis, adscribere ne recuses: prima verò aliundè deduxeris, ab inquinatâ nempe & inversâ humorum omnium diathesi, ex auræ seminalis misturâ. Sanguinem igitur cogi & inspissari à partibus salino acidis sulphureis auræ seminalis, inconcussæ veritatis tibi præbent argumenta frigus, horrores, rigores statim à prospero congressu invadentes. Quia sanguinis motus circularis, in quo consistit calor, imminuitur. A sanguine coacto serum facile secedens acidis, quibus refertur, spiculis membranosas partes vellicat, tendinosasque convellit; non absmili ratione quâ horrores & rigores in febribus intermittentibus superveniunt ab acido salis fomitibus febrilis in sanguinem proventus. A coacto iterum sanguine & viscidiori, spiritus ejusdem indolis pariori copia generantur. Horum penuria & qualitate, solidorum fluidorumque motus segniores evadunt:

stagnant igitur humores. Hæret in partibus sanguis, & spirandi difficultatem infert, si hærens in pulmonibus, eorum vesiculas ita premat, ut solitus aëris ingressus denegetur; sin autem ab hac eadem causa ita distendantur arteriæ, ut resiliant, sanguinemque versus cor repellant, palpitatio inducitur; syncopes verò, si præ nimia sanguinis crassitie & vasorum inertia, eadem quâ propellitur velocitate è dextro cordis thalamo, ad sinistrum non revehatur. A saliva viscidiori involvuntur nimis sapidæ alimentorum partes, vel non satis extricantur, ergò nullus in ore sapor, nisi ingratus; unde cibi fastidium. Fermentum ventriculi à natura sua prorsus alienum, ipsum non amplius ad famem stimulat, ingesta alimenta, ob ipsius fermenti lentorem & visciditatem, moram in eo trahunt, salium evolutione pravam concipiunt fermentationem, in cacochyliam acidam vertuntur. A nidulante in ventriculo saburra laceffitur membrana ipsius nervosa: hinc, pro majori vel minori irritatione, modò cardialgia, modò nausæa suboriuntur, vomitus denique, si tanta fuerit irritatio, ut spiritus reflectantur in fibras diaphragmatis & musculorum abdominalis, & inde in simultaneam adigantur contractionem. Quoniam pro ratione majoris molis, corpora majorem quoque suscipiunt motus quantitatem, faciliè concipies: cur ex violentis animi pathematis tanta sequatur fibrillarum totius corporis succussio, ut fœtus plerumque excludatur. Hæc symptomata liquoris aquei potu saltem mitigari posse indicant, ipsæ aquæ virtutes, & plurimarum gentium consuetudo.

#### IV.

**A**QUA omnibus potionibus simplicior, à supremo rerum omnium Conditore, pro unico potu, in ipso mundi principio hominibus concessa videtur. Cæteris ergò omnibus voluptatis causa inventis longè præstantior. Hic & illic occurrit in omnium animantium commoda: aliam tamen aliâ salubriorem dixeris. Putealis stomachum gravat, ideòque cruda censetur nimis, quia partes ejus nec agitatae, nec Solis calore subactæ, crassiores remanent. Lacustres & palustres perpetuò tenuiorum partium jacturam patiuntur, defectu tandem motûs, non ex æquo defæcantur, ideò insalubres arguas. Fontanas & fluviatiles cæteris præstantiores agnoscas, quarum partes, pro longiori ab origine

5

tractu agitata, magis & magis etiam atteruntur, ac dividuntur, partibusque heterogeneis exonerantur, puriores ac proinde stomacho minus infensæ sunt, ut quotidiana demonstrat experientia. Exilissimæ etenim sunt partes aquæ, unde facillimè omnia madefacit corpora ac permeat. Rigidiora laxat solida, atque fervidiores humorum æstus compescit. Linguam, palatum, ac aridas nimis imas fauces aluendo, sitim extinguit, alimentorum in ventriculo divisionem promover, chylique ulteriori elaborationi plurimum confert. Humores diluit, & demulcet, salia eorum exuperantia dissolvit, ac per consueta naturæ incernicula secum abripit. Uno verbo, sanguini fluiditatem conciliat, ac motum ejus fovet progressivum. Tot tantæque quibus pollet virtutibus aqua, firmiorem ominantur valetudinem, & adversus morbos acutos epidemicæque grassantes, remedium tibi pollicentur prophylacticum eximium.<sup>a</sup> Quæ omnia prægnantibus aquæ potum salubriorem arguunt, cum præter modò præfata quibus afficiuntur gestationis tempore, incommoda, febribus acutis, malignis, phlegmonodeis, variolis, & morbillis sint obnoxia, quæ utero gerentibus ut plurimum lethales evadunt, teste Hippocrate:<sup>b</sup> ex eo quod, præabortus formidine, solita quandoque non suppeditentur auxilia, ut sunt venæ-sectiones repetitæ, quæque sapissimè, ex naturâ morbi aut partis affectæ, in malleolo indicatæ, minimè tamen celebrantur, ne nimia humorum in uterum fiat derivatio: unde facta majori sanguinis in uterum confluxu, abortûs maximum imminet periculum. Triste ergò vel funestum instituas præsagium, quoties morbis acutis corripiuntur prægnantes. At sibi gratulentur, cum ipsis præsto sit aqua; cujus potu & sævientia sedare incommoda, & minitantes morbos avertere queant.

## V.

**E**X quò vinum hominibus innotuit, illecebrosi illius liquoris usus, velut alterum contagium, de regione in regionem ita serpsit, ut quibus in locis deficeret, congeneres illi liquores ex variis fructibus educere conati sint. Quæ hodie in usu familiari usurpantur, ex hordeo, frumento, avenâ, pomorum pyrorumque succis eliciuntur. Quæque tamen ut

<sup>a</sup> DD. Geesliroy, *Facult. Decan. in eleganti Thes. an saviante pest. aqu. 1721?*

<sup>b</sup> *Hippoc. Aph. 30. sect. 5.*

conficiantur, fermentationi committi debent, ut sulphureis terrenisque partibus intricata prius principia evolvantur. Peractâ tandem fermentatione, liquorem habes ex subdulci maximè flagrantem. Sit tibi vinum in exemplo, quod si degusteretur, arridebit quidem multorum palato, si intus assumatur, totius illicò corporis calorem intendit, & vires refocillat. Unde verò tam subiti oriantur effectus? Ipsa te edocebit vini analysi; partibus enim quibus abundat sulphureo-volatile, adaugetur sanguinis fermentatio, solidorum accelerantur oscillationes, quia vellicantur stamina nervæ: atque sic partium omnium motus fit intensior. A vividiori fermentatione dissipatur serum sanguinis; undè crassior factus, ejusdem indolis suppeditat recrementa: quæ, præ suâ nimîâ crassitie, ad munia sua obeunda minùs habilia evadunt; quot exinde subnascantur mala nemo nescit. At ab aquæ potu nullum ex his sequitur incommodum; undè prægnantibus mulieribus, quarum nec etiam levissimi morbi periculo vacare possunt, saluberrimi illius liquoris usum præscribe. Sicque felicior partum, generosiorque prolem non imprudenter ominaberis. Quam verò difficilè gestationem ferant, & debiles generent pueros, quæ vino spirituosisque potionibus magis utuntur, attento & libero revolve animo. Ex adverso regiones Orientales perlustra, aliasque in quibus vini usus adhuc ignotus est, vel prohibetur; ibi non modò robustiores & longævos magis viros, sed etiam mulieres, absque gravibus incommodis, graviditatis facilè percurrentes tempora miraberis; undè jure concludes:

*Ergò gravidis aquæ potus.*

Proponebat Parisiis, JOANNES-BAPTISTA BOYER,  
Massiliensis, Baccalaureus Medicus, A R. S. H. MDCCXXVII.  
à sextâ ad meridiem.